

նկատվում է նաև կճուճների, երբեմն էլ՝ սափորների ձևավորման մեջ: Հայտնաբերված անոթների մի մասի նեղ վզի և անմիջապես լայնացող իրանի միացման տեղում անցնում է փորագիր կամ ուլիթի ընդգծված գոտի: Գրանց կողքին հանդիպում են նաև վզի, ըստ երևույթին նաև ողջ իրանի բաց ֆոնի վրա մուգ կարմիր, իրար զուգահեռ, ուղիղ գոտիներով հարգարված օրինակներ:

Հայտնաբերված գունազարդ բեկորները ևս թե՛ գույնով, թե՛ կիրառված զարդամոտիվներով (իսկ դրանք գերազանցապես մուգ կամ բաց շագանակագույն ֆոնի վրա մուգ շագանակագույն, կարմիր ներկով արված ուղիղ, հորիզոնական գոտիներ են, կամ նրանց միջև, ուղիղ գծին հենված այլիքաձև զարդեր) ամբողջությամբ միանում են Արմավիրի միջնաբերդի գունազարդ խեցեղենին: Թերևս բացառություն է կազմում կիսազնեղաձև թասի մի բեկոր, որը

գունային լուծմամբ՝ բաց մոխրագույն ֆոնի վրա սրճագույն զարդերով (ի տարբերություն միջնաբերդի օրինակների, որոնք մեծ մասամբ մուգ կարմիր ֆոնի վրա կրում են սև զարդեր), կարծես ավելի մոտ է Արտաշատի և Շիրակավանի նմուշներին:

Քաղաքային այս ծայրամասի պեղումներից հայտնաբերվել են նաև լծակավոր աղորիքների բեկորներ, կոկիչներ, քարե կափարիչներ, որոնք կապվում են քաղաքի տնտեսական կյանքի հետ:

Արմավիրի միջնաբերդի և քաղաքային տարածքի հետագա զուգահեռ ուսումնասիրումը անշուշտ կնպաստի հուշարձանի ընդհանուր պատկերի ամբողջացմանը:

Պատմ. գիտ. բեկնածու Գ. Ա. ՏԻՐԱՅՅԱՆ  
Ի. Ա. ԿԱՐԱՊԵՏՅԱՆ

**«ԱԶԳԱՆՎԵՐ ՀԱՅՈՒՀՅԱՅ ԸՆԿԵՐՈՒԹՅՈՒՆԸ»**  
(Ստեղծման 100-ամյակի առթիվ)

Անցյալ դարի կեսերին և ավելի ուշ Արևմտյան Հայաստանում գործում էին հայ ազգային, հասարակական, բարեգործական, կրթական-լուսավորական և մշակութային մի շարք ընկերություններ: Այսպես, 1860 թ. գրավաճառ Հարություն Մարգարյանի նախաձեռնությամբ հիմնադրվեց «Անձնվեր ընկերությունը», որի նպատակն էր դրել-կարգալ սովորեցնել գավառներից Քուրթիայի մայրաքաղաք եկած հայ պանդուխտներին: «Անձնվեր ընկերությունը» նույն նպատակով իր մասնաճյուղերն էր ստեղծել Բաղեշում, Դիարբեքիում, Եվզոկիայում, Կյուրինում, Աղբրդում: 1870 թ. գործում էր «Դպրոցասիրաց ընկերությունը», որը գավառներում վարժարաններ հիմնադրելուց բացի կազմակերպում էր նաև կիրականության դասախոսություններ շափահասների համար: «Դպրոցասիրացի», «Անձնվեր ընկերության» և «Արարատյան ընկերության» օրինակով 1879 թ. Կոստանդնուպոլսում հիմնադրվեց «Աղդանվեր հայուհյաց ընկերությունը», որը ձևավորվեց արևմտահայ գավառներում հայ կանանց և աղջիկների կրթության ու լուսավորության գործը: Ընկերության հիմնադրումը կապվում է Սիպիլի՝ Զապել Խանջյանի անվան հետ:

Սիպիլը շատ վաղ է սկսել իր գրական կյանքը: 11 տարեկան հասակում նա արդեն տպագրվում էր Կոստանդնուպոլսի պարբերականներում: Տարիներ անց Եննիմահալիի ճեմարանի մանկահասակ սանուհին, ձեռագործի

իր ուսուցչուհի Սրբուհի Աշճյանի ղեկավարությամբ, մտավ հասարակական գործունեության ասպարեզ՝ «Նպաստամատուց» ընկերության շրջանակներում ակտիվորեն մասնակցելով աղքատ աշակերտուհիների համար գրենական պիտույքներ հայթայթելու գործին: Գավառներում ժողովրդի սոցիալ-տնտեսական անմխիթար վիճակը հանգիստ չէր տալիս լուսամիտ և հայրենասեր մարդկանց: Այս մտահոգություններով էր ապրում նաև Սիպիլը: Նա սկսեց իրեն մեղավոր զգալ բարեկեցիկ կյանքի, ծաղկառատ պարտեզով շրջապատված իրենց տան, այն բանի համար, որ մինչ այդ իր բանաստեղծություններում երգել էր Շավարշանի բուրումնավետ շուշանները, Եփրատի ծաղկավետ ափերը, երբեք չէր մտածել բուն հայրենիքում ապրող տարաբախտ ժողովրդի մասին, որը ոչ թե շափածո ուղերձների, այլ օգնության կարիք ուներ:

Անցյալ դարի 70-ական թվականներին նա առաջ քաշեց Հայաստանի գավառներում հայ կանանց ու աղջիկների կրթության օջախներ ստեղծելու գաղափարը: Սիպիլի այս միտքը ոգևորեց նաև նրան շրջապատողներին, որոնց թվում առաջիններից էին մայրը, հորաբույրը, Սրբուհի Աշճյանը և ուրիշները: 1879 թ. ապրիլի 11-ին Զապել Խանջյանն իրենց տուն հրավիրեց ճեմարանի ավարտական տարվա իր 8 դասընկերուհիների՝ Արտեմիա Տուտույանին, Մարի Զրուկչյանին, Սաթենիկ Հաջյանին և այ-

չոց)։ Ընկերության այս առաջին շաբաթին մասնակցել է 12 մարդ։ Բացատրելով իրենց հավաքվելու նպատակը՝ Զապելը ներկայացնում է գավառահայության և հատկապես գավառացի հայ կանանց դառը կյանքը. աշխատունակ գրեթե բոլոր տղամարդիկ պանդխտության մեջ են, երեխաների և ծնրերի հոգսն ընկած է կանանց ուսերին։ Նրանք են, որ երեխաներին պիտի դաստիարակեն, պահպանեն հայրենի ավանդույթներն ու լեզուն։ Հարկ է, բացատրում է Սիպիլը, հայ գավառացի կնոջն օղնել կանգուն մնալու ֆիզիկապես և բարոյապես։ «Եթե մենք չհաջողվե՞ք՝ դեթ հիմը դրած կրլանք և ուրիշ մի կը կատարելագործե գայն»։ Սիպիլը վկայակոչում է աշխարհի քաղաքակրթության պատմական փորձը, ասելով. «Տեսեք, թե շոգեկալօրին կատարիլագործությունը քանի անձանց կվերաբերի», օրինակ է բերում հայրենիքի ազատության ու երջանկության համար պայքարած հայ հայրենասերներին. «Բայց տեսեք, Նալբանդյան մի յուր ազգին ծառայելու համար կտքնի, կշարշարվի և, աքսորանաց մեջ կմեռնի...»<sup>2</sup>։

«Ազգանվեր հայունհյաց ընկերության» երկրորդ նիստին, որ գումարվեց ճեմարանի վարժուհի Սրբուհի Մելքոնյանի տանը, մասնակցում էր ընկերությանն անդամագրված արդեն 15<sup>3</sup> մարդ։ Նույն 1879 թ. ընկերության բաժանորդների թիվը հասավ 1500-ի<sup>3</sup>։ Կոստանդնուպոլսի «Փունջ» և «Թերձյումանը էֆքյար» պարբերականներում հրատարակվեց «Ազգանվեր հայունհյաց ընկերության» կանոնադրությունը։ Բացի ընդհանուր ժողովից, որ գումարվելու էր երեք ամիսը մեկ անգամ, ընկերությունն ուներ նաև գործադիր ժողով՝ առանձին ատենապետով և ատենադպիրով։ Կոստանդնուպոլսի Վերգիի թատրոնում «Ազգանվեր հայունհյացի» կազմակերպած առաջին պարահանդեսը 1300 ոսկուց ավելի հասույթ բերեց<sup>4</sup>։

1880 թ. Ղալաթիայի խորհրդարանում կայացավ ընկերության ընդհանուր ժողովուր։

1879 թ. ընթացքում ընկերության կուտակած 138,5 շազարի դիմաց 1881 թ. եկամտոր կազմեց 208,5 հազար դահլիսան, որը բացի ան-

դամավճարներից, վիճակահանություններից, պարահանդեսներից ստացված հասույթից, գոյանում էր նաև նվիրատվությունների հաշվին։ Այսպես, արևմտահայ կին մտավորական և հասարակական գործիչ էլպիս Կեսարացյանը «Ազգանվեր հայունհյացին» տրամադրեց իր սեմականի առ ընթերցասեր հայունհիս» գրքի հատույթը, դրամական օժանդակություն ցույց տվեց Թիֆլիսի «Հայունհյաց բարեգործական ընկերությունը»։ «Ազգանվեր հայունհյացի» խրախուսողներից էր մեծահուշակ ծովանկարիչ Հովհաննես Այվազովսկին, որը ամեն տարի Թեոդոսիայից 100 ֆրանկ էր ուղարկում ընկերության հասցեով<sup>5</sup>։

1880—1885 թթ. «Ազգանվեր հայունհյաց ընկերություն» իր առաջին դպրոցները բացեց Քղի Գասապա գյուղաքաղաքում, Հաճընում, Մոշում, Սղերդում, Զարսանձագի Բերրի գյուղաքաղաքում և այլուր։

«Ազգանվեր հայունհյացը» գավառահայ կանանց լուսավորության գործում հավաքադրել էր արևմտահայ կրթված և կարող շատ ուժերի, որոնք եռանդուն մանկավարժական գործունեություն էին ծավալել։ Երկար տարիներ «Ազգանվեր հայունհյացի» ընդհանուր ժողովի առաջին ատենապետն է եղել Եղիսաբեթ Սեղբոսյանը, 1910-ական թթ՝ Սեզարին Շահպազը։ Ընկերության գործադիր ժողովի ատենապետներ են եղել Սիպիլը, Զարուհի Գալեմքյարյանը, և ուրիշներ։ Ի դեպ, Սիպիլը 1881 թ. սկսած անձամբ մեկնել է գավառները, զբաղվել ուսուցչությամբ։ «Ազգանվերը» գործում էր ակտիվորեն, ընկերության մասնաճյուղեր են բացվել Կարինում, Երզնկայում, Ռուսձուքում, Իզմիրում, Ադրիանապոլսում, Ռոդոսթոլում, Ադաբազարում։ Ընկերության գործունեության առաջին շրջանում (1879—1894 թթ.) Հայաստանի տարրեր կողմերում նրա միջոցներով բացվել էր 10 իգական դպրոց։ Ծավալված կրթական յոսսավորական շարժման դժվարություններից մեկը ժողովրդի չբավորությունն էր։ Գավառահայության տնտեսական վիճակը բարելավելու փորձեր էին անում արևմտահայ տնտեսական բարեգործական որոշ միություններ, ինչպես, օրինակ, Կոստանդնուպոլսի հայոց պատրիարք Ներսես Վարժապետյանի նախաձեռնությամբ ստեղծված «Տնտեսական միություն հայոցը» (հիմն. 1879 թ.)։ 1880 թ. «Ազգանվերն» իր միջոցներից բավական գումար հատկացրեց Վանի, Բայազետի, Վաղարշապատի սովյալներին։

1 Տե՛ս Ամենուն տարեցոյցը, Կոստանդնուպոլիս. 1911, էջ 243։  
 2 Ն. Պողոսյան, Պատմություն հայ մշակութային ընկերություններու, հատ. 1, Վիեննա, 1957, էջ 339։  
 3 Նույն տեղում, էջ 346։  
 4 Ե. Զարենցի անվան գրականության և արվեստի թանգարան, Թորոս Աղասյանի ֆոնդ, ցուցակ 1, վավ. 154, էջ 2։

5 Ն. Պողոսյան, նշվ. աշխ., հատ. 1, էջ 345—346, 358։

Ընկերության հիմնադրած դպրոցներն ունեին մեկ նախապատրաստական և երեք հիմնական դասարան: Սակայն սակավաթիվ նրեխաների էր հաջողվում անցնել լրիվ դասընթացը: 1880—1884 ուսումնական տարիների ընթացքում, օրինակ, Քղի Գասապայի դպրոցը 99 աշակերտունուց միայն 2 շրջանավարտ տվեց:

Շուտով ծայր առան թուրքական իշխանությունների հետապնդումները: Բարեգործական ձեռնարկների մեջ սկսեցին «գաղտնի նպատակներ» տեսնել, կասկածի և հետապնդման ճնթարկվեց հատկապես «Անձնվեր ընկերությունը»: 1880 թ. պաշտոնապես արգելվեց ընկերությունների և դպրոցների սրահներում ժողովներ ու բանախոսություններ անցկացնելը: 1882 թ. Բարձր Դուռը հայոց պատրիարքարանից պահանջեց ազգային բոլոր ընկերությունների ցուցակը: Սահմանափակվեցին Կոստանդնուպոլսի «Միացյալ ընկերության» գործունեության շրջանակները, որը կազմվել էր 1880 թ., իր մեջ միավորելով Հայաստանում գործող երեք կարևոր ընկերություններ՝ «Արարատյան ընկերությունը», «Դպրոցասիրացարանյան» և «Կիլիկյան ընկերությունը»:

1887 թ. Օսմանյան կառավարությունը Ազգային խառը ժողովին հարկադրեց նոր կանոնադրություններ կրկին վավերացնել գոյություն ունեցող ազգային ընկերությունները: Այդ պահանջին ենթարկվեցին ինչպես «Ազգանվեր հայունջացը», այնպես էլ նրա օրինակով տեղերում ստեղծված «Ազգայան», «Սանդիստյան», «Գայանյան», «Հոփոսիմյան» ընկերությունները, ինչպես նաև Բերայում 1881 թ. կազմակերպված «Թասեր տիկնանց», «Ազնվուհի տիկնանց առաջադիմասեր» և այլ ընկերությունները: Սրանցից առավել եռանդուն և արդյունավետ գործունեությամբ աչքի էր ընկնում Սերաստիայի «Հայունջաց ընկերությունը» (կամ «Հայ տիկնանց ընկերություն»), որը 400 անդամ ուներ և թաղական դպրոցներում կրթում էր 500-ից ավելի կանանց ու աղջիկների: Ընկերությունը դպրոցի նոր շենք կառուցեց և ինքն էր հոգում կարիքավոր աշակերտների համար գրենական պիտույքների ձեռքբերման գործը: Կոստանդնուպոլսի «Հայրենիք» լրագիրը նկատարում է, թե որպիսի պատրաստակամությամբ էին սերաստացի կանայք օգնում իրենց քաղաքում կանանց լուսավորության շնորհակալ գործին: Աղջիկների լամար դպրոցական նոր շենքի կառուցման օգտին «կանանց մեծ մասը ստակ տվին, ոմանք էլ ճայտունուն ոսկին կտրելով տվին»<sup>6</sup>: Սերաստացի կանայք նախաձեռնել էին հիմնել նաև մանկապարտեզներ,

ուսկայն շատ ու շատ մտադրություններ անկատար մնացին: «Ազգանվեր հայունջացի», ինչպես նաև հայ ազգային լուսավորական ու մշակութային ընկերությունների գործունեությունը կառավարությունը հիմնավորապես խաթարեց 1894 թ.<sup>7</sup>: Դեռևս 1893 թ. արգելվեց բարեգործական նպատակներով հանգանակություններ կատարելը: Փակվեցին ընկերությունների միջոցներով պահվող դպրոցները: «Ազգանվեր հայունջաց ընկերության» անվան հիշատակությունն իսկ արգելվեց: Հետապնդումից խուսափելու համար նրա մասին ակնարկում էին «Կրթանվեր հայունջաց ընկերություն» անվան տակ: Թուրքիայի իշխանությունները գավառներում ձեռնարկեցին և իրականացրին հայկական առաջին զանգվածային կոտորածները: Համիդյան սև ռեակցիայի այս ժամանակաշրջանում ազգային-հասարակական ամեն մի գործունեություն մահվան գին ուներ:

1908 թ., Արդուլ Համիդի գահընկեցությունից հետո, Կոստանդնուպոլսում, կրկին Սիպիլի ջանքերով, «Ազգանվեր հայունջաց ընկերությունը» վերսկսեց իր գործունեությունը: Ժամանակաշրջանն ու հասարակական գործիչների խրնդիրներն ահա թե ինչպես է ներկայացնում Սիպիլին իր հրապարակային ելույթներից մեկում. «Հայաստանի մի ծայրից մյուսը ողբի, տառապանքի հեծեծանք է լսվում: Արդեն քանի տարիներ են, որ մի օր չի անցնում, որ կոտորածի սրտածմլիկ աղաղակը չգոռա մեր ականջներին, արյունի ու հոգևորքի տեսարաններ շտաղնապեն մեր երևակայությունը: ...Հոռետեսներ մեզ ուզում են համոզել, թե մի քանի տարուց հայի անունն իսպառ պիտի ջնջվի երկրի երեսից: ...Հայ գյուղացու ձեռքից խլում են սերմացու ցորենը ցանքի ժամանակ: Մոխիր են դարձնում նրա արտը հունձքի պահին: Ծեծի ու բանտարկության սպառնալիքի տակ բռնադատում են նրան, որ հացի պատան առնի իր զավակների բերնից ու հարկաւավաքներին չանձնի: ...Եվ սակայն, այդ խեղճ ու քաշասիրտ մարդիկ իրենց բոլոր շարժարանքներուն մեջ զարդացումի, ուսման ծարավը ունին. մի կողմեն կտվայտին, կշարգվին, կմեռնին, մյուս կողմեն՝ «դպրոց, գիրք, լույս» կգոչեն, ինչ որ գմեղ կզարմացնե, կշահագրգռե, կխոտվե»<sup>8</sup>: «Ազգանվերի» գործիչներն ամբողջով գավառա-

7 «Ազգանվեր հայունջաց ընկերություն» գործունեության առաջին շրջանը մինչև 1895 թ. գիտելը ճիշտ չէ, քանի որ այն, ինչպես նշվեց, դադարեց գործելուց դեռևս 1894 թ.:

8 Սիպիլ, Ազգանվեր հայունջիք. «Ամենուն տարեցույցը», Կոստանդնուպոլիս, 1910, էջ 127:

6 «Հայրենիք», Կ. Պոլիս, 1891, № 62:

բնակ հայության վիճակի ծանրությունը, նպատակ են դնում բարձրացնել նրա բարոյական ոգին, օգնել ոտքի կանգնելու, կենդանի պահելու հայ ժողովուրդը հայոց հողի վրա: Նրանք պնդում են, որ հանցագործություն է համակերպվել կատարված ողբերգության հետևանքների հետ: Երկարատև ոեակցիայի տարիներն իրենց կնիքն էին գրել մարդկանց հոգեբանության վրա: Չնայած կարծեցյալ դեմոկրատական ազատություններին, շատ դժվար էր մարդկանց դրդել բարեգործության: Ամենքը խուսափում էին ազգային գործերին մասնակցել: Զգալիորեն պակասել էր նաև հայ ունևորների թիվը: «Մինչդեռ ամեն մարդ իր տանը անկյունները կպահվտի կամ ասդին-անդին կփախչի հարձակումի, կտտորածի սպառնալիքի տակ՝ մեր օրիորդները անվեհեր կշարունակեն իրենց հանձն առած պաշտոնը»,—գրում էր Սիպիլն այդ օրերին<sup>9</sup>:

Այս ժամանակամիջոցում շարունակում են «Ազգանվեր հայունյացի» մասնաճյուղեր բացվել ինչպես Արևմտյան Հայաստանում, այնպես էլ արտասահմանի հայկական գաղթօջախներում<sup>10</sup>:

Մեծ փորձություններ էին սպասում «Ազգանվեր հայունյաց» ընկերությանը նաև նրա գործունեության Երկրորդ շրջանում: Իրենց ազատամիտ և առաջադեմ ձևացնող երիտթուրքերի իշխանության հենց երկրորդ տարում՝ 1909 թ. Կիլիկիայում հայերի մի նոր մասսայական կոտորած սանձազերծվեց: Հրաշքով փրկվածների մեջ հազարավոր որբ երեխաներ կային: «Ազգանվերի» գործիչները խորհում էին որևէ կերպ նրանց օգնության հասնել: 1909 թ. աշնան այդ օրերին Կիլիկիա մեկնելը հավասար էր հերոսության: Սակայն այդ գործը հանձն առավ «Ազգանվերի» ատենադպիր Արշակունցի Թեոդի-

կը: Մեկ ամիս մնալով Կիլիկիայում, նա ոչ միայն դպրոցներ ու որբանոցներ կազմակերպեց, այլև ինչ-ինչ միջոցներով կարողացավ օտարերկրացու անվան տակ այցելել Կիլիկիայի բանտերի ղեղանները, ուր տարիներ շարունակ խոշտանգվում էին հայ աղագային-աղատագրական պայքարի մի խումբ հերոս գործիչներ: Արշակունցի Թեոդիկին հաջողվեց պայմաններ ստեղծել հետագայում նրանց ազատելու համար: Կիլիկիայից վերադառնալուց հետո նա իր գործուղման հաշվետվությունը ներկայացրեց փաստերով և մերկացնող լուսանկարներով համեմված մի գրքույկով, որ լույս տեսավ 1910 թ. «Ամիս մը ի Կիլիկիա» խորագրով: Այս գիրքը, որ նվիրված էր Սիպիլին, իսկ հասույթը՝ «Ազգանվերին», մի շառաշուն ապտակ դարձավ համաշխարհային բուրժուազիայի երկրեսանի գործիչներին, որոնք դեմոկրատիայի քարոզներով փորձում էին կոծկել ազգերի բնաջնջման իրենց գիշատիչ քաղաքականությունը: Գիրքը բարձր գնահատականի արժանացավ ինչպես Խուրբիայի, այնպես էլ արտասահմանի առաջադեմ հասարակայնության կողմից: Սիպիլն այս գրքին կցեց իր շատ ուշագրավ առաջաբանը, որ հիմնականում «Ազգանվեր հայունյաց ընկերության» պատմությանն էր վերաբերում:

1908—1914 թթ. «Ազգանվեր հայունյաց ընկերության» Կոստանդնուպոլսի բաժանորդների թիվը հասնում էր 390-ի, որոնց անդամավճարներից ընդամենը 200 ոսկի գումար էր գոյանում: Սակայն վկայություններ կան, որ 1908—1914 թթ. ընթացքում «Ազգանվեր հայունյացը» կարողացել է 2000 ոսկի ծախսով 39 դպրոց պահել<sup>11</sup> Մուշում, Սասունում, Կարինում, Աղանայում, Զեյթունում, Հաճընում, Տարսնում, Մարաշում, Գյորթ-Յոլում, Հասան-Պեյլիում, Այնթափում, Ալպիստանում, Եփեսոսում, Թալասում և այլուր: Այս դպրոցներից 23-ը գործել են 1910—1912 թթ.<sup>12</sup>:

1908-ից հետո, Կոստանդնուպոլսում երիտասարդ ազգիկների մի խումբ, հիմնականում Սիպիլի նախկին սաներից, կազմեց «Ազգանվեր հայունյաց ընկերության» օժանդակ թարգմանչական խումբ, որի նպատակն էր հայ երեխաների համար համաշխարհային մանկական գրականության լավագույն գործեր թարգմանել և հրատարակել<sup>13</sup>:

11 Ն. Պոլոսյան, նշվ. աշխ., էջ 363:  
 12 «Հայկական Սովետական Հանրագիտարան», հատ. 1, էջ 110:  
 13 Ե. Զարենցի անվան գրականության և արվեստի թանգարան, Թորոս Ազատյանի ֆոնդուցակ 1, վավ. 155, էջ 2:

9 Նույն տեղում, էջ 128:  
 10 1920 թ. Փարիզում լույս տեսած Tèmoignages inédits sur les atrocités turques commises en Arménie Suivis d'un récit de l'épopée arménienne de Chabin-Karahissar. Recueillis par la Société des Dames Arméniennes (Azkanever de Constantinople) ժողովածուից, որը կազմել, թարգմանել ու հրատարակել է ընկերության ամենակատիվ գործիչներից մեկը՝ Արշակունցի Թեոդիկը, տեղեկանում ենք, որ 1908 թ. «Ազգանվեր հայունյացի» ջանքերով գավառներում գործել է 50 դպրոց՝ 3000 աշակերտուհիներով, նույնիսկ 1910 թ. Կարինում հիմնվել է մանկավարժական ուսումնարան, իսկ ընկերության գործունեությունը (Իհարկե, հարկադիր ընդհատումներով) շարունակվել է մինչև 1920 թ.:

1915 թ. արևմտահայության նկատմամբ թուրքական իշխանությունների սանձազերծած կոտորածն ու բռնազաղթը, հայ ժողովրդի Մեծ եղեռնը վերջնականապես խափանեց ինչպես հայ ազգային մշակութային ու բարեգործական այլ կազմակերպությունների, այնպես էլ «Ազգանվեր հայուհյաց ընկերության» գործունեությունը: Սիպիլի հոշերում այդ առթիվ կարդում ենք. «Ավաղ, մարդախոշոշ պատերազմին արհավիրքը վրա հասավ, ընկերությունը քայքայվեցավ, ցրվեցավ, կործանեցավ: Ամենուն եռանդը մարեցավ արյան արցունքի հեղեղներո: Վեջ»<sup>14</sup>:

Այսօր. երբ լրացել է արևմտահայ այդ նշանավոր ընկերության հիմնադրման 100 տա-

րին, անդրադառնալով նրա կատարած շատ դժվարին, բայց շնորհակալ գործունեությանը, անհար է շնչել հայ ժողովրդի, հատկապես նրա արևմտահայ հատվածի ազգային առաջադիմության, հայ կանանց կրթության և յուսավորության ուղղությամբ ընկերության գրեթե 40-ամյա գործունեության զգալի դերն ու նշանակությունը: Անժխտելի է նաև հայ անվանի կին հասարակական գործիչ, մանկավարժ և գրող Սիպիլի՝ Զապել խանջյան-Ասատուրի դերը «Ազգանվեր հայուհյացի» հիմնադրման, գոյատևման և հայրենանվեր գործունեության ընթացքում:

Պատմ. գիտ. քեկնածու Մ. Լ. ԱՒԱՆԱԼՅԱՆ

**ՄԿՐՏԻՉ ԷՄԻՆԻ ՀԱՅԵՐԵՆ ԶԵՌԱԴՐՆԵՐԻ ՀԱՎԱՔԱՄՈՒՆ**

Մկրտիչ էմինի մահից հետո նրա թողած բոլոր հին ու նոր ձեռագրերը, ըստ կտակի, ժառանգում է Գրիգոր Խալաթյանցը: էմինի կտակակատարներն են Միկյուլինն ու Ի. Լ. Սերերբյակովը «Հայագետ էմինի կտակի մասին» իրենց հոդվածում («Արձագանք», 1892, N 125) այդ առթիվ գրում են. «Կտակի յոթներորդ հոդվածի համաձայն, էմինից մնացած հին հայերեն ձեռագրերը, ինչպես և նորա ձեռագիր գրվածները, թարգմանությունները և ամեն տեսակ թղթերը աված են ի սեպհականություն նորա աշակերտ Գ. Հ. Խալաթյանցին, որ բռնում է նորա տեղը կազարյան ձեռարանի մասնադիտական դասարանում»: նրանք շորս խորագրերով հրատարակում են Գ. Խալաթյանցի ժառանգած նյութերի ցանկը.

- «Ա. Հին հայերեն ձեռագրեր»:
- «Բ. էմինի ձեռագիր գրվածներն ու թարգմանությունները»:
- «Գ. էմինի ձեռագիր երկասիրություններն ու թարգմանությունները, որոնք նա հրատարակած է դանազան ժամանակներում»:
- «Դ. Ձեռագիր երկասիրություններ, որոնք այլ անձինք հանձնած են էմինի տնօրինության»:
- Այս շորս խմբերից մեկ հետաքրքրում է առաջինը, ուստի և այն բերում ենք ամբողջությամբ.

**«Ա. Հին հայերեն ձեռագրեր»**

1. Անվավերական գրվածքներ, արտագրած Ա. էջմիածնի գրադարանի ձեռագիրներից (թղթով 21):

- 2. Ուսման Անեցվո ժամանակագրություն, ձեռագիր (XVII դարու):
- 3. Ազերսանդր Մակեդոնացու Պատմությունը, ձեռագիր 1696 թ.:
- 4. Տոմարագիտություն երկաթագիր, քերի:
- 5. Համառոտ Բաղդիրը, ձեռագիր մագաղաթի վրա գրած 1620 թ.:
- 6. Գ. Մագիստրոսի թուղթը, էմինի ձեռքով արտագրած 1852 թ.:
- 7. Գ. Մագիստրոսի Ոտանավորը, արտագրած էմինի ձեռքով:
- 8. Տեսրակ բառաձայն, գրած էմինի ձեռքով, բովանդակում է դանազան հին հայ մտանկագիրների գրվածներ (թղթով 16): որոնց արդեն տպված են, բացի Գ. Մագիստրոսի Թղթերից ու Ոտանավորներից և Համառոտ բաղդրից:
- 9. Պատմություն ներսես Մեծի, գործ Մեսրոպ երեցի (արդեն տպագրված է):
- 10. Հայոց կաթողիկոսների թղթակցությունը վրաց Կյուրիոն կաթողիկոսի հետ (Ուխտանես, տպած է):
- 11. Գրիգոր կաթողիկոսի թուղթը, որ գրած է նորա եղբայր ներսեսը (տպագրված է):
- 12. Ամբատա Պատմություն, արտագրված էմինի ձեռքով 1855 թ. (տպած է):
- 13. Մովսես Չաղանկատվացու Աղվանից պատմություն, Մխիթար Այրիվանեցու Պատմություն, Քաղվածք Մանգանեսու Սյունեցու պատմությունից, արտագրած Միրալի Սալանթյանցի ձեռքով 1835 թ. (տպած է):
- 14. Պատմություն Մատթեոս Ուռհայեցվո (տպած է):

<sup>14</sup> Նույն տեղում, էջ 2—3:  
 1 Փակագծված տվյալները բնագրին են:

2 Թվականը ուղղելի՛ 1695: